

ERA CRASTA

Numerò 4 · Mai 2001

Impresi sense adreça

Nau edifici entath C.E.I.P. "Garona"

Er Ajuntament de Vielha, conscient deth besonh de naues places escolares dera poblacion deth Municipi e damb era prevision de poder atier era futura demana d'escolarizacion, a aprovat méter a disposicion deth Departament d'Ensenyament dera Generalitat de Catalunya, un terren urban sense limitacions fisiques e liure de cargues e gravamens, damb era finalitat de que se i bastisque un estudi d'educacion infantil e primària de tres linhes.


Aguest terren ère propietat dera Fondacion d'Ensenyament dera Val d'Aran" e a estat cedit ar Ajuntament de Vielha – Mijaran entà poder amiar a tèrme aguest projècte.

Era capèla de Santa Quitèria

Coma toti auratz podut liéger o entèner enes mieis de comunicacion, era passada setmana s'enfonsèc era vòuta dera capèla de Santa Quitèria.

Aguest hèt siguec coma conseqüència des òbres d'apraiment deth tet dera glèisa, que degut ar estat en qué se trapaue sustot per hèt de qu'ère fòrça antiga era estructura, produsic er esbaussament dera part que non s'auie de tocar.

Eth pròplèu dia 22 de mai, celebraram era Hèsta de Santa Quitèria e demoram poder dèder era missa laguens dera capèla.



Viuendes de proteccion oficiau en règim de loguèr

En tot veir es besonhs que i a en nòste municipi en çò que tanh as viuendes tant de loguèr coma de compra, degut principaument ath hèt de qu'ei fòrça dificil entà ua grana part des joeni deth municipi arribar a arténher era sua pròpia viuenda, sustot per elevat prètz qu'an, er Ajuntament laguens d'ua politica globau de joenessa, a prepausat ar Institut Català del Sol, qu'en darrèr terren dera sua propietat que i a en Solan, se i bastisquen vint naues viuendes de proteccion oficiau en règim de loguèr.

Aguestes viuendes serien destinades ara gent joena deth municipi e era sua adjudicacion se harie en tot seguir es barems legaus vigenti entad aguest tipe de viuendes.

Tant lèu qu'ajam mès informacion sus aguest ahèr, vos ac haram a saber.


Eth bastiment de cabanes en municipi de Vielha-Mijaran II aua part

Coma dejà vos informèrem ena Crasta deth mès passat, eth dia 18 de hereuèr s'aprovèt definitivament era ordenança reguladora entath bastiment de cabanes en solèr non urbanizable en Municipi de Vielha – Mijaran.





Aguesta ordenança cònte de diuèrsi punts enes quaus s'explique a on se pòden bastir aquestes cabanes,

quines condicions a d'auer eth terren a on se volguen hèr, quines mesures pòden auer, de quini materiaus an d'èster, etc.





Ena darrèra Crasta, vos aufrírem dus des quate modèls que i a. Aué vos volem ensenhar es dus que manquen.



Tipe C (Còtes en mètres)



Tipe D (Còtes en mètres)



Era nòsta gent

Aué vos volem parlar d'ua associacion que des de hè sèt ans, trabalhe entà ajudar ath pòble Saharians
Mos referim as **AMICS DETH PÒBLE SAHARIAN DERA VAL D'ARAN**

Aguesta associacion neishc en an 1994, dempús d'era experiéncia que suposèc acuelher mainatges saharians pendent er estiu de 1993 per part de diuèrses familhes araneses.

En aguesti ans d'activitat, **AMICS DETH PÒBLE SAHARIAN DERA VAL D'ARAN**, a desvolopat nombroses campanhes a favor d'aguest pòble.

Laguens des campanhes d'ajuda umanitària que des d'aquesta associacion s'an hèt, podem destacar:

- Er enviament de 12 bròques perforadores entath sondeg de potzi d'aigua, laguens des campaments des refugiadi saharians e enes territòris soberans.

- Entrèga d'un Land Rover ath talhèr de hemnes dera wilaya de Smara.

- Enviament de materiau medicau, gràcies ara collaboracion dera Aliança, damb destin entar espitau maternoinfantiu.

- Campanhes enes estudis d'Aran, entàr recuelher productes d'igièna pesonau (cau destacar qu'ena darrèra campanha se remassèren 5000 ampolhes de gel/champú)

- Entrèga d'un autocar, dat pera empresa Alsina Graells.


- Equipament entar internat saharian "9 de junio", de materiau entath professorat (bates e cartères)

- Festivau de patinatge sus gèu entà replegar hons.

- Acoelhuda en estiu de mainatges/ades saharians/nos per part de vesins de Vielha

- Mijaran e de tota era Val d'Aran.

- Charrades ena ràdio, estudis, associacions, taules de trabalh, etc, entà dar a conéisher era realitat d'aguest pòble.



Sondeig de potzi d'aigua en Mijek

E entà acabar sonque dèder que s'està treballant entà arténher ua cramba

frigorifica, qu'anarà destinada ar internat "9 de junio". Damb aguest projècte s'artenherà era conservacion d'aliments entà que 2000 mainatges/ades se les poguen minjar en bones condicions.

AMICS DETH PÒBLE SAHARIAN VAL D'ARAN, tanben trabalhe enes comarques vesies dera Alta Ribagorça, Pallars Sobirà e Pallars Jussà.

Sonque mos quede dèder que tot aguest trabalh se pòt desvolopar gràcies a que, laguens dera Val d'Aran, des dera mès nauta institucion enquiàr Ajuntament mès petit, atau coma es associacions, collectius e era societat en generau, en definitiua vosati, ètz sensibles ad aguest hèt, deth que mos trapam sonque a dues ores d'avion.

Land Rover entath talhèr de Hemnes



Agenda Culturau

**DETH 3 ENQUIATH 6 DE MAI-
HÈSTA DE SANTA CREU**
Hèsta Major de Salardú

DIES 5 E 6 DE MAI

Celebracion des IVaues 24 ores de dards, en pub enigma de Betren

DIA 11 DE MAI

Celebracion dera Hèsta de Sant Pònc. Era Conselheria Municipau de Cultura der Ajuntament de Vielha – Mijaran, organizarà un an mès eth CONCORDS

DE PASTISSI E LICORS, entà celebrar era Hèsta de Sant Pònc. Es actes auràn lòc eth dia 11 de mai a compdar des 17,00 ena Sala d'Actes der Ajuntament de Vielha – Mijaran.

Es prèmis seràn de 10.000 pts. entà cada categoria e se premiarà :

**ATH PASTÍS DE MELHOR GUST
ATH PASTÍS DE MELHOR
PRESENTACION**

**ATH PASTÍS MÈS ORIGINAU
ATH MELHOR LICOR**

Dempús deth concors, degustaram es pastissi e licors presentadi.

DIA 22 DE MAI

Santa Quitèria.

A compdar des 12,00 de meddia se celebrarà era missa en aunor de Santa Quitèria, e ena tarde, coma totemp, i aurà balh entà toti.

Tanben i aurà eth servici de transpòrt public mès, de moment, encara non sabem es oraris. Mès entà dauant vos informaram .

Er Objectiu indiscret



Dilhèu mos calerie dèder discret, ja qu'arren podec desvelhar a Andrèu
Dormie plan ben enes braci de sa papa, e ei qu'eth nòste Alcalde abantes ei pair qu'alcalde.

Mès... per sòrt sonque siguec un moment. Ei que ja se sap, quan es mainatges gessen d'estudi se dormissen

a on sigue, e ath dauant d'ua reünion der ajuntament, encara mès.

Cau remarcar ,que damb açò non volem dèder qu'es reünions der ajuntament siguen engüegigües, e qu'eth mainatge sonque siguec ena amassada pendent 10 minutes, dempús vengueren a cercà-lo entà portà-lo entà casa sua.

NÒTA: Se vòs participar en ERA CRASTA, ac pòs her en tot envià-mos era tua collaboracion ja sigue per corrèu ara adrèça AJUNTAMENT DE VIELHA c/ Sarriulèra 2, 25530 VIELHA, ben per Fax ath numerò 973 64 05 37 o ben per corrèu electronic, e-mail: ayuvielha@aranweb.com